



UPA2015/105
24. marts 2015
Juliane Henningsen

Siunnersuut uunga: Meeqqanik pinerliisimannginnermut uppernarsaatinik piumasaqaateqartussaataaneq pillugu Inatsisartut inatsisaata al- lanngortinnera pillugu Inatsisartut inatsisaat nr. xx, xx xx 2015-imeersoq. (Atuuffiata annertusinera)

(Ilinniartitaanermut, Kultureqarnermut, Ilisimatusarnermut Ilageeqar- nermullu Naalakkersuisoq)

Meeqqat nunatsinni illersorneqarnerat tamatta akisussaaffigaarput. Nunatsinni meeqqanut kinguaassiuutitigut atonerluisarneq annertoqaaq. Annernaqaaq. Taamaattumik kinguaassiuutitigut innarliisimasut arlaannaati- gulluunnit pinerliisimanerinek meeqqat ulluinnarni sumiiffigisartagaanniittar- tut pillugit, pinerliisimannginnermut uppernarsaatinik piumasaqaateqar- tussaataaneq annertusineqalermat taperserparput. Toqqannanngikkalu- artumik meeqqanik ulluinnarni inimeeqateqarsinnaasut imlt. Attaveqartartut ilanngunniarneqarput.

Inatsimmut pioreersumut sakkortuninngortitsineq isumaqatigaarput, pingaaruteqarpormi inersimasut meeqqanut sullissisuusartut, akissarsiuti- galugu akissarsiutiginaguluunnit sulisut tamarmik tutsuiginartuunissaat – meeqqaniillu tatigineqarsinnaanissaat. Atorfiit immikkoortinneqartut pillugit aalajangersaanerit siammasinnerusinnaaneri pillugit inatsiseqarnermut ata- atsimiititaliaq nalilersuisinnaaqullugu tamatumunnga siunnersuut in- nersuupparput.